

Ovends, wenn et dunkel weed

Text & Musik: Rockemarieche - Label: Pavement, Pavement Records

Homepage: www.rockemarieche.de

Es üch die Story vum foljenden Mann bekannt?
Hä weed em Ungerjrund Winnie, dä Knutscher jenannt
"Anstiftung zum Ehebruch, üvver Dausend mol"
Bliev bes Hüek för die Kripo ne unjelöste Fall, denn

Refrain:

**Ovends, wenn et dunkel weed
Weed die Stadt op links jedriecht
Do danz dä Düüvel mit dä Engel
Bes die Sunn opjeiht**

Dä Winnie, dat wor kein schöner Mann
Et hieß, dat hä dofür wie keine andre bütze kann
Ov solo, verhierot, ov jung oder alt,
Ich sach üch, all die Wiever,
wore in ihn verknallt! Denn

Refrain: Ovends, wenn et dunkel weed ...

Jedes Johr zor jecken Zick –
Dat wor sing Strategie,
Krääet jede Frau vun singem Kuss butterweiche Knie
Fast jeder Kääl dä Stadt wood met Winnie bedrore
Dröm han se sech zesamme jäjen ihn verschwore

Bab-Bab-Baadab
Dadab-Daaa
Babadab-Dadaaaa ...

Dä Plan wor klor:
Winnie muss fott!
Et Milieu wood engagiert
Für singe Wääch zom leeven Jott
M'em Rögge noh bove
Loch hä eines Daachs em Rhing
Wä weiß jet? –
Vielleicht Schäfers Naas oder Dumm'se Tünn...?

Refrain: Ovends, wenn et dunkel weed ...

Bes die Sunn opjeiht
Bes die Sunn opjeiht